

說文地理圖考

下冊

李振興撰



第三十一郡：泰山郡

略說：

漢書地理志：「泰山郡，高帝置，屬兗州。」王先謙漢書補注：「據江水注郡治奉高。續志後漢治同。」劉昭注：「雒陽東千四百里。」全祖望曰：「故屬泰山郡，其漢之際屬齊國，尋為齊國。五閏月後屬齊國，分置濟北，博陽二郡，高帝四年屬漢。」

1. 奉高：一統志：「故城在今山東泰安縣東北十七里。」
2. 博縣：一統志：「故城在今山東泰安縣東南。」
3. 若縣：一統志：「故城在今山東長清縣東北。」
4. 盧縣：一統志：「故城在今山東長清縣南二十五里。」
5. 肥城：一統志：「故城在今山東肥城縣治。」
6. 地止：一統志：「故城在今山東肥城縣南。」
7. 剛縣：一統志：「故城在今山東甯陽縣東三十五里。」
8. 柴縣：一統志：「故城在今山東泰安縣南柴城堡。」
9. 蓋縣：一統志：「故城在今山東沂水縣西北八十里。」
10. 梁父：一統志：「故城在今山東泰安縣南六十里。」
11. 東平陽：一統志：「故城在今山東新泰縣西北。」

12. 南武陽 一統志 故城在今山東費縣西北七十里。
13. 萊蕪 一統志 故城在今山東淄川縣東南六十里。
14. 鉅平 一統志 故城在今山東泰安縣西南。
15. 竊賊 一統志 故城在今山東萊蕪縣西北四十里。
16. 牟縣 一統志 故城在今山東萊蕪縣東二十里。
17. 蒙陰 一統志 故城在今山東蒙陰縣西南十五里。
18. 華縣 一統志 故城在今山東費縣東北六十里。
19. 華陽 一統志 故城在今山東寧陽縣南。
20. 侯國，後漢省，故治在今山東肥城縣南。縣有桃山，以此得
21. 一統志 故城在今山東滕縣東。
22. 一統志 故城在今山東汶上縣東北。
23. 挑鄉 一統志 故城在今山東汶上縣東北。
24. 式縣 一統志 故城在今山東甯陽縣北。

鄒 一統文泰山郡地名山水今釋：  
 鄒 一統文鄒字下云：「地名。」

段注：「孟子有苴孟大夫。廣韻蓋姓，字書作鄧。」

今案：漢書地理志，泰山郡有益縣。戰國齊邑。景帝封王信為侯國。

一統志：「故城在今山東沂水縣西北八十里。」

泰山：說文岱字下云：「大山也。」

段注：「大，作太者俗改也。域中最大之山，故曰大山。作太作泰，皆俗釋山曰泰山為東嶽。」

今案：尚書舜典：「東巡狩，至於岱宗。」段玉裁曰：「岱，大也。宗者，言其為諸山所宗也。」詩毛傳：「東嶽岱。」詩魯頌：「泰山巖巖，魯邦所瞻。」史記封禪書：「岱宗，泰山也。」又貨殖傳：「泰山之陽則魯，其陰則齊。」漢書地理志：「泰山郡博縣下云：『有泰山廟，岱山在西北。』」唐六典：

「河南道名山曰泰山。」章懷圖書編：「山南有柏千株，相傳漢武所植。」

小天門有秦五大夫松，嶽頂有秦無字碑，斷崖數丈，唐開元紀泰山銘隸書大四寸。」岱嶽志：「郡峯之得名者，望秦、獨秀、雞籠、老雅、獅子、蓮花、懸石，而丈人峯在山頂，特出郡峯之表，又有明月嶂，登仙台，反東西南三天門，東西中三溪，嵩山之晨勝。其餘峯巒溪洞不可勝數，自嶽頂而東南十里曰東神霄山，西南十里曰西神霄山，西十里曰石梭山。三尖山其在嶽陰者，曰孤山。襍山、鶴山，相去各十里。以及高里、石閭、亭亭云云。梁父

之屬，雖隨地異名，實皆泰山之支峯列阜也。考中古以前之帝王，皆以來此封禪為大典，所謂封泰山禪梁父者是也。秦漢時甚重此禮，故史有封禪書。王先謙漢書補注：「郊祀志：宣帝神爵元年定祀。」一統志：「廟在今山東泰安縣城西北隅。」錢坫曰：「岱泰字古通用。」禹貢山水澤地篇：「泰山為東嶽，在泰山博山縣西北。」一統志：「博縣故城，在今山東泰安縣東南。泰山在縣城北五里。」此即人所共稱之東嶽也。

### 臨樂山

說文洙字下云：「洙水出泰山益臨樂山。」

今案：漢書地理志，泰山郡益縣下云：「臨樂山，洙水所出。」一統志：「

益縣故城，在今山東沂水縣西北八十里。臨樂山，在今山東蒙陰縣東北。」

見本郡洙水下。

### 洙水

說文洙字下云：「洙水，出泰山益臨樂山北入泗。」

今案：左傳莊九年冬，沒洙。杜注：「洙水在魯城北，下合泗。」漢書地理

志，泰山郡益縣下云：「臨樂于山，洙水所出，西北至益入池水。」齊召南

云：「池，應作泗。水經注引此文云：西北至蓋入泗水，或作池字，蓋字誤也。

觀此則道元以前本已譌作入池水矣。」王先謙云：「洙水注：洙水自臨樂山


西北逕蓋縣下入東平陽（今山東新泰縣）與說文皆無于字，則于字亦

衍。官本于作子。又益縣所出之水，無仍云至蓋入它水之理，與全志體例不

合。而水經注已引作至葦，則北魏前志文已誤。王念孫云：「至葦，當為至卞，卞縣有泗水，蓋縣無泗水。卞縣故城，在今山東泗水縣東，故云洙水至卞入泗水。今之洙水，乃在曲阜縣北，上源既不遠，下流又入沂不入泗，與漢志水經故道迴殊矣。」水經注洙水篇：「洙水出泰山葦縣臨樂山。西南至卞縣入於泗。」鄭注：「洙水出泰山南臨樂山北，西南流與泗水合，北為洙濱，南為泗水，洙泗之間，孔子設教處也。」一統志：「蓋縣故城，在今山東沂水縣西北八十里。臨樂山，在今山東蒙陰縣東北。洙水在曲阜縣北四里。元和志：「洙水泉去瑕丘縣（今山東滋陽縣）二十三里，泗水泉自曲阜縣界流入與洙水合。」闕里志：「今洙水與泗水不通，上源在孔林之東，止一溝瀆，似古魯城之隍也。穿林橫流，過墓前出林，復西南流，入於西沂，其故道不可考。」案今洙水，上源既不遠，而下流即入西沂，與水經故道迴殊，其分流之處，轉出泗水之南，亦與水經注南泗北洙之說異。」又曲阜縣志云：「洙水泉在城北五里，地呂五泉莊，西流入林東牆水關，逕聖墓前，出林西牆水關，西流折而繞城西南入於沂以達泗。」觀此，古時孔林面泗背洙，而今則面洙背泗之說，可曉然矣。

沂水：說文沂字下云：「沂水，出東海費東，西入泗，一曰沂水出泰山葦，青州浸

今案：尚書禹貢：「徐州、淮沂其乂。」周禮職方氏：「青州其山鎮曰沂山，其  
 浸沂水。」漢書地理志：東海郡有費縣，故城在今山東費縣西北二十里。  
 即春秋魯季氏之邑也。又泰山郡有蓋縣。下云：「又沂水南至下邳入泗。」蓋  
 縣故城，在今山東沂水縣西北八十里。水經注沂水篇：「沂水出泰山蓋縣艾  
 山，南過琅玕臨沂縣（今山東臨沂縣）東，又南過開陽縣（今山東臨沂縣）  
 東，又東過襄贛縣（今山東臨沂縣境）東，屈從縣西流，又屈南過邳  
 縣（今山東邳縣）西，又南過良城縣（今江蘇邳）西，又南過下邳縣（今江  
 蘇邳縣）西南入於泗。」段玉裁曰：「前志泰山郡蓋下曰沂水所出。水經曰  
 沂水出泰山蓋縣艾山，許云出東海費東，說乖異者，蓋沂山即東泰山，  
 是山盤回數縣，今沂水出沂水縣之雕崖山，即沂山西峯也。又西北接大弁山  
 ，即沭水所出也。許云沂水西入泗，疑當作南入泗。」西當作南，段說是  
 也。一統志：「沂水源出蒙陰縣北，東南流經沂水縣西，又南流經蘭山  
 縣（今名臨沂縣）東，又南流經邳城縣西，又南流入江蘇徐州府邳縣界，  
 與水經水道尚合。禹貢班義述引邳州（今邳縣）志云：「沂河舊在邳縣西  
 一里，今其故道為黃流淤塞。」是沂入泗處，在今邳縣西南，即舊邳州  
 之淤黃河。今之沂河，則以清時導洫而變遷也。



泰山郡  
31



### 第三十二節：齊郡

一略說：

漢書地理志：「齊郡，秦置，莽曰濟南，屬青州。」閻若璩云：「郡治臨淄，以齊悼惠王子及主父偃傳知之。」王先謙云：「據淄水注，秦時即治臨淄。」續志後漢治同。始皇二十六年置。劉昭注：「雒陽東十八百里。」全祖望云：「楚漢之際，改名臨淄郡，屬齊國，漢復故，仍屬齊國。元封元年復故。」後漢為齊國，屬同。領縣十二。

1. 臨淄：一統志：「故城在今山東臨淄縣北八里古城店，亦曰齊城。」
2. 昌國：一統志：「故城在今山東淄川縣東三十五里。」
3. 利縣：一統志：「故城在今山東博興縣東四十里利城鎮。」
4. 西安：一統志：「故城在今臨淄縣西三十里。」
5. 鉅定：一統志：「故城在今山東廣饒縣北。」
6. 廣縣：一統志：「故城在今山東益都縣西南四里。」
7. 廣饒：一統志：「故城在今山東廣饒縣東北。」
8. 昭南：後漢者，今闕，當在山東舊青州府境。
9. 臨朐：一統志：「故城在今山東臨朐縣治。」
10. 北鄉：侯國，後漢者，今闕，當在今山東舊青州府境。

从平廣：侯國，後漢省，今闕，當在山東舊青州府境。  
从臺鄉：侯國，後漢省，故治在今山東壽光縣東。

(二)說文齊郡地名山水今釋：

齊：說文諸字下云：「齊謂之莊。」

今案：史記齊世家稱：「齊，姜姓國，太公望之先世，封於呂（今河南南陽縣西三十里有呂城）。太公徙封齊之營邱，永就國，東萊與之爭，太公聞之，夜衣而行，至營邱，國遂定。」一統志：「古營邱，在今山東昌樂縣東南五十里之營陵城，其後徙臨淄，亦稱營邱，今山東臨淄縣城北八里之營邱城是也。」續山東考古錄：「孟子云：太公始封地，止百里，臨淄營陵，相去將二百里，齊都臨淄，不能遠徙二百里外。」史記封禪書：「齊所以為齊，以天齊也。天齊淵水居臨淄南郊山下者。」據以上所云，太公封於齊，當在臨淄，而營邱之論，不足據也。至胡公徙都薄姑，今山東博興縣東北十五里薄姑城，獻公又徙於臨淄戰國初，為其臣田氏所篡，為七雄之一，後為秦所併。  
國策齊策：「蘇秦曰：齊，南有泰山，東有琅玕，西有清河，北有渤海，所謂四塞之國也，地方二千餘里。」今山東益都以西，至歷城，聊城之間，北至河北景滄諸縣，東南至海，在戰國時皆齊地也。

青州：說文諸字下云：「青州五諸……」

今案：尚書禹貢：「海岱惟青州。」後漢書郡國志青州領有郡國六：即濟南、平原、樂安、北海、東萊、齊國也。後漢書集解引惠棟語云：「太康地記云：東方少陽，其色青，其氣清，歲之首，事之始，故以青為名焉。」後漢青州刺史治臨淄，即今山東臨淄縣。

郛

說文郛字下云：「地名。」  
段注：「郛即駢字。」

今案：春秋莊元年：「齊師遷紀郛郛部。」杜注：「郛，在東莞臨朐縣東南。」漢書地理志：「齊郡有臨朐縣。應劭曰：『有伯氏駢邑。』」後漢書郡國志臨朐縣下云：「有三亭，古郛邑。」一統志：「臨朐故城，在今山東臨朐縣治，其東南有郛城。」

鄒

說文鄒字下云：「地名。」

段注：「齊有高鄒，即高偃，高偃之元孫。」

今案：高偃，即敬仲。一統志：「高敬仲墓，在今山東臨朐縣東北二十里，又名白兔塚。即高偃也。」以此推之，鄒在齊地，當屬漢之齊郡。

嶽

說文嶽字下云：「嶽山也，在齊地。」

段注：「詩齊風還曰：『遭我乎嶽之間兮。』傳曰：『嶽，嶽山也。』地理志引作嶽。師古云：『亦作嶽。』」

今案：水經注作嶺。一說志：「嶺山，在今山東臨淄縣南十五里。」高山：說文洋字下云：「洋水出齊臨朐高山。」

今案：漢書地理志齊郡臨朐縣下云：「石膏山，洋水所出。」一說志：「臨朐故城，在今山東臨朐縣治，逢山在縣西二十五里，（即高山）地道記：石膏山作石高山，說文作高山，奪文。」見本郡洋水下。

為山：（說文訛為端）說文濁字下云：「濁水出齊郡廣為山。」

今案：漢書地理志，齊郡廣縣下云：「為山濁水所出。」錢玉裁曰：「今山東益都縣西南九回山，即古為山。」

洋水：說文洋字下云：「洋水，出齊郡臨朐高山東北入鉅定。」

今案：漢書地理志，齊郡臨朐縣下云：「石膏山洋水所出，東北至廣鉅入鉅定。」水經注巨洋水篇酈注云：「洋水出石膏山西北石澗口，東南逕逢山祠（漢宣帝置，在今山東臨朐縣）西，又歷逢山下，即石膏山也。山麓三成壁立直上，山上有石鼓，鳴則年凶。續述征記云：逢山在廣固（即廣固城，在今山東益都縣西北八里堯山之陽）南三十里，有祠並石鼓，齊地將亂，石人輒打石鼓，聲聞數十里，洋水歷其陰，而東北流，世謂之石溝，水出委粟山北而東入巨洋水。謂之石溝口，是水下流，有時通塞，反春夏水逆，川瀾無輟，亦謂龍泉水，地理志石膏山洋

水所出是也。今於此縣惟是讀當之，似符郡證矣。巨洋水自琅邪朱虛來，北入臨朐縣，合熏冶泉水，又逕臨朐縣故城東，城，古伯氏駢邑也。巨洋水又北逕委粟山東，孤阜秀立，形若委粟，又東北合洋水，又得邳泉水，又北會建德水，下入菑川劇縣（今山東壽光縣東南，或云昌樂縣西，因二縣壤地相接，據各家考證二劇實一地）故城西。又東北逕益都縣故城東，又東北積而為潭，枝津出焉，謂之百尺溝，西北流注於巨淀。又東北逕壽光縣故城西，又東北注海。段玉裁曰：「按班許曰：洋水，即水經及注之巨洋水也。班許以出臨朐石膏山者為正源耳。許云高山，即石膏山也。定、淀古今字。」王先謙漢書補注：「巨洋水之下流，即洋水下流，道元因洋水下流，時有通塞，巨洋導源較遠，與洋水異出同歸，故以巨洋為正，洋水為支，此後人密於前人之處。正以發明漢志各不相掩，地理家紛紛竄改，皆謬論矣。」一統志：「臨朐故城，今山東臨朐縣治，逢山在縣西，二十五里，地道記石膏山作石高山，說文作高山，奪文。鉅是，故城在今山東廣饒縣北。廣饒故城，在今山東廣饒縣東北。」

濁水：說文濁字下云：「濁水，出齊郡屬姑山東北入鉅定。」段注：「屬，當作廣，姑當作為，皆字之誤。」是也。

今案：漢書地理志，齊郡廣縣下云：「為山濁水所出，東北至廣饒入鉅定。」一統志：「廣縣故城，在今山東益都縣西南四十里。鉅定故城，在今山東廣饒縣北。」王先謙曰：「為山，說文作媯山。水經淄水注：『石耽云：濁水一名媯水，出廣縣為山，世謂之冶嶺山，東北流逕廣固城（在今益都縣西北）西，城在廣縣西北四十里，水側山際，有五龍口，濁水又逕堯山（在今山東益都縣西北八里）東，又逕東陽城（今益都縣治）北合長沙水下入北海益（即北海郡之益縣，今山東壽光縣西二十里有故城）。長沙水出逢山北阜為陽水，東北流，逕廣縣故城西合石井水，又東逕東陽城東南，以在陽水之陽，謂之東陽城，世以濁水為西陽水。濁水又北逕戚氏臺西，又北經益城西，又北流注巨淀。」段玉裁曰：「今北陽水源出益都縣西南九迴山，即古為山，東北流逕城北，又東北，逕壽光縣四十里，又北入清水泊，即古濁水也。」

